

落花嘆送深水君之京并序

故 高見彥太郎

十四

戊子四月梅花已凋零李桃又告別當此時深水君亦有東行之事余對落花思昔時在京之日愍然有感依而作落花篇而送君之東行

熊基城外春深時柳絮漠々花滿枝花已滿枝風忽至吹落枝上錦繡萎花隨江水去不歸江水春流又還非愁眉到是不能披東帝何事使花稀憶昔東臺全盛日芳菲千里春心密駿馬揚々車翻々紅顏如柳帶麗質樹上嬌鶯發歡聲樹間乳燕爭落英一朝忽遇東帝去殘花已少綠稍生誰料百花不足恃紛紛飄紅又落紫蛺蝶魂迷綠陰中杜鵑啼血殘花裡嘆息年光無溜滯一去不返只逝々嗚呼紅花又有明年期人豈再迎三五歲獨對此花感無限心思茫々神昏々奮然忽約勉與勤誓報渺々皇帝恩今朝忽遇送君行卽酌離酒陳離情君不見東都幾千輕薄子徒以虛事實虛名勸君勿做虛戲事精神透徹是一誠

送士衡矢嶋君跋涉於大和河內之間

三百里程山又河跋涉山川興如何時維閉治廿一歲士衡來予賦離歌士衡元是奇偉士與予年來期魚水何圖今日辭此地捨予負笈遊千里丈夫豈徒要悲愁只應慨君恩未酬離筵酌酒盛君意又還把杯送其遊小成莫安於燕雀大志只須比鸞鳳君今願見邦家勢滔々恰似波濤動數語慙慙吐丹心莫忘君恩似海深輕浮休學遊惰輩熱心須

求治世音君不見凜々松柏雪中色獨當嚴冬色愈奇又不見都々蘭桂塞山裡獨聞荆
棘香不衰丹心不欺温公語抑壓苦學蘇秦錐胸裏苟有此語在富貴功名到處隨須磨
之山湊之川慨然只應感當年山岳河海名勝地英雄起處卽有緣只待士衡歸熊日期
見歸鄉錦繡榮

舊遊篇代書寄平戶今井氏

往事茫茫總爲夢獨對落花恨綿々窓裡何堪只苦吟高聲時誦舊遊篇憶起熊城全盛
日與君携手畫湖邊春風日暖鶯呼友櫻桃樹間聽歡聲呼快呼奇歡無極俱伴同胞蹈
青行或向窓裡談戰事共驚隈山善用兵田原坂頭苦戰日盡國一身鴻毛輕硝烟彈雨
十閱月恰似百萬雷霆轟共酌芳酒呼痛快不知青山日已傾又憶菊池行軍日萬櫻花
下舉巨觥團欒與君賞花美遙想菊公身後榮東風吹儘無賴睡時枕少年夢忽成夢中
忽遇一奇客眉如半月面如櫻暫時相對心如焚瞞着姿容不忍分相俱携手到樹下談
笑不知到斜曛晚風吹肌夢忽覺只看櫻花似白雲或憶金峯攀崔嵬野景茫茫霧色開
引領西望有明海孤帆點々詩興催絕頂寂莫無人語深山只有落葉堆漫向旻天訴幽
靜清風吹袂氣快哉或憶函湖賞月橙共携清樽聞清笳阿蘇山邊月初上四山渺々帶
紫霞或吟詩歌或劍舞共云秋月勝春花半夜寂々月愈白船頭何人彈琵琶向月似訴
平生恨彈出意中無限嗟嗚呼花開花又遷年々歲々豈得全良霄賞月又暫瞬明月滿